



106815

Deum  
1578  
Janus II. 1467 - 1578  
1578. Cumanus. Oculi  
1578. Habsburgi. regis  
Janus II. 177:  
Ein. abbas. d. r. Habsburgi



106815

S. W. 278

106815 nō mām nec forma subalīzē Cēdā ad thōa thōdē habsburg. vide zē

702

ORATIO

MARTINI CROME

RI IN FVNERE OPTI

mi & maximi principis, Sigismun

di eius nominis primi Polonorum,

Litvanorum, Rufforum, Pruf

forum, & Masouiorum

Regis. &c.

Craco. M.D. XL. viij. Ad vij. Cal. Aug.



Apud Viduam Hiero. Vieto.

Bibl. J. 157

# SERENIS-

S I M O P R I N C I P I  
et Domino, dño Sigismundo Augusto  
Dei gratia Regi Polonię, magno duct  
Litvanię, Russię, Prussię, Masouię, Sa-  
mogitię. &c. Domino & heredi,  
domino suo clementissimo.

MARTINVS  
Cromerus,

I N P V B L I C O E T  
I acerbissimo omnium nostrum luctu,  
quem tecum pariter, Sigismunde Augu-  
ste rex Indlyte, morte sanctissimi regis  
nostri Sigismundi, patris tui, nuper hau-  
simus, nulla est, mea quidem sententia,  
maior & efficacior doloris leuatio, quam  
honestissime & laudabiliter in primis ab  
eo actę, & religiose exactę atq; positę  
vitę, beneq; & feliciter, sapienter & cum  
approbatione omnium bonorum adminis-  
trati regni huius, recordatio. Qua in parte  
cum ego pro meo de multis bene me-  
rendi studio opis aliquid non tibi, neq;  
maioris

maioribus nati, qui multos annos in re-  
pub. hac nostra, & in aula eius regis ver-  
sati, exactius omnia norunt, & memoria  
tenent, sed minoribus & imperitis afferre  
cuperem, scripsi ei funebrem orationem  
siue laudationem: qua vitam eius penę  
omnem, resq; gestas illustriores, nude &  
succincte, quoad fieri potuit, exponendo,  
non verbis amplificando, quod perlongū  
et non mearum sanę virium opus fu-  
turum erat, complexus sum: vt esset cō-  
mentarij vice interim, dum siue a nobis  
ipsis in instituta historia gētis nostre, si-  
ue, quod malim a doctiori atq; disertiori  
quopiam diligentius omnia pertractatur.  
Nec sanę desunt in hoc tuo regno, quod  
multo florentius & belli & pacis artibus  
pater tuus reddidit, quam acceperat, qui,  
si tua benignitas accesserit, & libenter id  
opus suscepturi sint, & cū dignitate per-  
secuturi. Equidem si nihil aliud hoc la-  
bore meo assequar, certē doctiorum ces-  
santium adhuc studia excitabo, & perse-  
qui hęc accurate & ornate volētibus ma-  
teriam subministrabo. Tibi verò inprio-  
mis indlyte Rex orationem hanc dicere  
A ij volu.

volui, cui meipsum non ita pridem addi-  
xi, & ad quem hereditas paternę glorię  
maximę pertinet: vt si quidem placebit,  
nonnulla, si non cum voluptate, certę cū  
leuatione desyderij paterni, domestica des-  
cora recognoscas, & nostri siue ocij, si-  
ue negocij fructū, & quasi primitias quas-  
dam delibes: Sin displicebit, quod ma-  
gis credo, melioribus des id negocium, vt  
ne cū eorum, qui nunc viuunt, mortaliū  
memoria, sapientissimi & optimi patris  
tui laudes intermorianur, Quāquam vi-  
uent eę, nisi me vanum fallit augurium,  
quo sempiterno, easq; posteri nostri lon-  
ge etiam quā nos gratiore & iucundi-  
ore memoria prosequentur. Quod reli-  
quum est: Deum precor, vt fausta tibi  
nobisq; omnibus regni tui initia esse ve-  
lit, & letioribus in dies successibus id cus-  
mulet, ac diutissime incolume fortu-  
natumq; prestet. Cracouię

nono Cal. Aug.

1548.

# ORATIO

MARTINI CRO-  
meri in funere optimi & maximi prin-  
cipis, Sigismundi eius nominis primi Po-  
lonorum, Litvanorum, Rufforum,  
Prussorum, & Masouiorum  
Regis. &c.

**I**NTEMPERAN-  
tius fortasse Sigismunde Au-  
guste Rex inclyte, & vos patres am-  
plissimi, ac ceteri viri vndequaq; or-  
natissimi, abuti facilitate & patientia  
vestra videor, qui locum hunc au-  
gustum, apud vos hoc tempore di-  
cturus, conscenderim, nihil neq; con-  
spectum cōfessumq; istum vestrum  
amplissimum grauissimumq; reueri-  
tus, neq; rei, de qua dicendum est,  
magnitudine deterritus. Neq; ego  
ita sum hebes, vt non intelligā, quid  
A in et quan

& quantum sit, quod nunc à vobis ex-  
pectetur: Neque ita mihi ipse placeo,  
vt non perspiciam, quid à me præ-  
stari possit. Quod si Alexander ille  
magnus rex Macedonum, qui res  
maximas mira celeritate & rara fe-  
licitate gessit, neque pingi se, nisi ab  
Apelle, neque fingi, nisi à Lysippo, præ-  
stâtissimis suæ ætatis artificibus, pas-  
sus est: quanto acumine, quàm varia  
doctrina, quàm solido iudicio, qua  
memoria, quàm vberè denique & illus-  
stri eloquentia esse oportet eum, qui  
de optimi, fortissimi, sapientissimi,  
clementissimi, & piissimi regis  
**SIGISMUNDI**, cuius nunc  
exequias Polonia, Litvania, Rursia,  
Prussia, Samagitia, et Masouia omnis  
mœsta & pullata celebrat, laudibus et  
vita omni verè & pro meritis eius  
dicere velit: Et effigiem quidem cui-  
usquam

iusquam apte seu pingere, seu fingere  
non maximi est ingenij, neque laboris,  
ac ne operæ precij quidem. Patent om-  
nium obtutibus corporis lineameta,  
neque magnopere cuiusquã refert, quo  
colore, qua figura oris, quo corpo-  
ris totius habitu, quauè statura quicquid  
fuerit, qui inter homines esse desint:  
Animorũ habitudines vitamque om-  
nem nõ cuiusuis est neque exacte per-  
spicere, neque dicendo apte & ad vi-  
uum exprimere. Magnorum autem vi-  
rorum, & excellenti virtute prædito-  
rum laudes celebrare, apprimè utile  
est vitæ hominum et necessarium: vt  
et illis, quoad fieri potest, pro meri-  
tis suis gratia referatur, & ceteri ha-  
beant, vnde virtutis & laudis exem-  
pla petant, et quo ad benemerendum  
de suis incitentur. Tantę sunt autem  
huius optimi regis virtutes, vt sum-  
ma

A iij mis

mis pariter ac imis abunde exēplo-  
rum ad vitam recte & honeste insti-  
tuendam suppeditent: tanta in nos et  
in patriam hanc nostram cōmunem  
merita & beneficia, vt ea sempiterna  
immortalitatis laude cōsecrari à no-  
bis oporteat. Neq; tamē is ego sum,  
qui id me rectissime et cū excellenti-  
bus sanctissimi illius regis virtutib⁹,  
tum perpurgatis vestris auribus di-  
gne facere posse cōfidam. Absit hæc  
à me arrogantia. Non adeo effrons  
demensq; sum. Intellego nullā in me  
esse doctrinam, nullum dicēdi vsum  
et exercitationem, nullū excellens in-  
genium, nullam deniq; memoriam.  
Quænam vero tanta est cuiusquam  
eloquentia? in quo tantum flumen  
lectissimorum verborum? in quo tã-  
ta vis, & vt ita dicam fulmen senten-  
tiarum? in quo deniq; tanta memo-  
ria &

ria & pronunciandi dignitas, vt cla-  
rissimis optimi regis virtutibus atq;  
meritis par esse possit? Sed si lautis  
ac delicatis epulis deficiamus, an ne  
cibarium quidem panem hospitibus  
apponemus? Et, si auro, gemis, pre-  
ciosaq; veste caremus, ne malo qui-  
dē cotoneo vel scypho aque ex præ-  
terlabenti amne haustę gratitudinem  
animorum nostrorū sanctissime hu-  
ius regis anime ostendemus? Vetus  
est prouerbium, Eos qui thura non  
habeant, mola falsa litare. Certe vel  
cum periculo priuatę temeritatis &  
impudentię, non est prodenda causa  
publica, neq; cōmittendum est, vt dū  
singuli pudori nostro consulimus,  
cuncti, hoc extremo laudationis offi-  
cio in funere talis ac tam bene meriti  
regis prætermisso, ingritudinis, ne  
dicam impietatis reprehensionē apud  
A v omnes

omnes gentes, quæ humanitatem con-  
lunt, merito incurramus. Audendum  
est igitur, & eò quidem maiore fidu-  
cia, quòd n̄s de rebus dicendum est,  
quæ vobis plæriscq; omnibus æque ac  
mihi notæ, nonnullis etiam notiores  
sunt: nempè quas vidistis ipsi ferè, et  
meministis, & quarum, vt ait poëta  
quidam, pars magna fuistis. Ita enim  
futurum est, vt me rudi & inculto,  
sed plano tamè sermone capita mo-  
do rerum attingente, cætera vos ipsi  
diligentius mecum recognoscatis, &  
grata iucundaq; vt par est, memoria  
recolatis. Ac de tribus bonorum ge-  
neribus, quæ sola sunt laudabilia, pri-  
mum externa, deinde corporis, pos-  
tremo animi eius bona succincte  
persequar. Quod dum facio, vos mi-  
hi quæso, viri præstantissimi, benig-  
nos vos & attentos præbeatis.

Genus

**G**ENV S patrum Sigismū  
di à Cazimiro est, Wladislai  
Iagellonis filio. Nemo est aut sic hor-  
spes in Polonia, ac in toto fermè se-  
ptentrione, cui non sit auditum de  
Iagellonū familia, quæ iam supra cen-  
tū & quinquaginta annos apud nos  
regnat, à vetustis Litvanorum duci-  
bus ducens originem. Cuius prin-  
ceps Iagello, cui Wladislao nomen,  
bono veroq; omine, quasi qui glo-  
ria potens esset, maiores nostri indi-  
derunt, huius auus, tuus autem Sigis-  
munde Auguste proauus, cum Li-  
tvanie & magne partis Russie do-  
minatu potiretur, expetitus à Polo-  
nis, & ad regnum vnà cum coniugio  
religiosissime virginis Hedwigis de-  
mortui Lodouici regis Vngarorū  
et Polonorum filie, repudiatis qui-  
busdam alijs procis, accitus, religioni  
Christiane



Christianę sese, et cunctam simul Lituaniam addixit: ditionesq; suas omnes Polonię fœdere sempiterno adiunxit: in cicuranda, & à prodigiosis dæmonum superstitionibus ad veri dei cultum conuertenda gente sua a gresti & barbara, permultum laboris, operę, sumptusq; impendit, nec indecorum sibi duxit præpotens rex, doctoris & apostoli munere fungí apud rudem & vilem plæbeculam, cum nostri sacerdotes eius lingue penitus essent imperiti. In Boemis quoq; ad sanitatem priscamq; religionem à multiplici errore, quo se authore Ioanne Hussio implicarant, reuocandis, non parum operę sumpsit: cumq; pertinaciores eos esse animaduertisset, regnum ab eis delatum repudiauit. Silesios quosdam & Russos duces domuit: Cruciferos Germanos

Germanos non modo Litvanię inhiantes, verum etiam Poloniam ipsam, parentem et nutricem suam crudeliter & impie laniantes, clarissimis aliquot victorijs repressit: Victis fractisq; pacem æquis conditionibus dedit. Erat enim singulari lenitate et mansuetudine: Ad remittendas offensas perfacilis, & supra modum credulus: quippe qui fallere neminem ipse consueuisset. Quo magis obnoxius & opportunus fuit dolis & iniurijs cum Sigismundi Cæsaris, tum Vitavdi & Suitrigali proximorum suorum: de quibus erat bene meritus. Per quos factum est, vt in administrando regno plusculum haberet negocij. Huic decrepita valde ætate, cum duo de quinquaginta annos regnasset, vita defuncto, de duobus filijs impuberibus, quos è quarta vxore

no: q: nō mām nec formā subat: Cod. 8. ad. r. 10. in d. 1. habet. vide zc.

xore Sophia Rufsa Kiouieſium du-  
cis filia ſuſceperat, maior natu Wla-  
diſlaus in regno ſucceſſit, is, qui Vn-  
garorū quoq; regno ſuſcepto, & pro-  
fligatis ſumma cum gloria aliquot  
Turcarum exercitibus, cū prius ad  
Macedonię, deinde ad Thracię fines,  
hoſti pacem petenti formidabilis, cū  
animosiore quàm validiore exercitu  
penetraſſet, apud Varnā inter con-  
ſertiſſimos hoſtes incautiſſimè dimicās,  
certam propemodum victoriam cū  
vita pariter amiſit, cum vndecim fer-  
mè apud nos, apud Vngaros vero  
non totos quinque annos regnaſſet,  
Poſt hunc Cazimirus natu minor  
frater, tuus Sigifmūde Auguſte auus,  
regnum hoc ſuſcepit: cui peruaſtata  
à Tartaris (tameſi profligatis ſemel  
atq; iterum) Podolia & Ruſſia, & a-  
miſſus per defectionem ad Moſchos  
dominatus

dominatus Severienſis, ac domeſtici  
motus, ſeu verius offenſę voluntates  
multorū, propterea q̄ Litvanis plu-  
ſculum indulgeret, malisq; conſulto-  
ribus vteretur, non parum de pater-  
na felicitate detraxere. Pruſſiam ta-  
men & Pomeraniam per deditiōem  
recepit, Cruciferis ſcōderū non tena-  
cibus poſt tredecim annorum bellū  
ſuplicibus, & iureiurando in verba  
ſua & poſteriorū ſuorum regū Polo-  
nię adactis, relicta parte Pruſſię pa-  
cem dedit. Valachorum palatinum  
bellicoſiſſimum Stephanum, in clien-  
telam accepit, & in conſilio ſuo locū  
ei dedit, ac magno ei ad profligandos  
Turcas adiumento fuit. Cum Vnga-  
ris & Boemis vario Marte bella geſ-  
ſit, Filios ſex, & ſeptem filias ex Eli-  
zabetha Alberti Cęſaris filia Ladi-  
ſlai Vngarorum & Boemorum re-  
gis

gis sorore, scemina honestissima & religiosissima suscepit. Ex his viuens Wladislaum natu maximū Boemis, Cazimirum, ac deinde Ioannem Albertum Vngaris reges dedit. Sed utroq; hoc dissensione partium deserto, Vngariā quoq; Wladislaus obtinuit. De quo nati, Ludouicus quidē filius, bimulus viuente patre coronatus, cum ei exacta ætate mortuo, in utroq; regno successisset, iuuenis admodum, Turcico bello ante vnū & viginti annos apud Mohatium miserabiliter perijt: Anna vero filia cū Ferdinando Cæsare, qui post Ludouicum apud Vngaros et Boemos regnat, nupta, tribus filijs præclare indolis, & nouem filiabus superstitibus relictis, anno abhinc altero parturiēs diem clausit extremū. De supra memoratis vero duobus filijs Cazimiri regis.

regis, Cazimirus quidem, iuuenis castissimus atq; religiosissimus, in Lithuania immaturam mortē obiit, non sine celebri sanctimonie fama, quam complura miracula ad sepulchrum eius ædita cōfirmarunt: Ioannes Albertus post patrem octo et amplius, deinde hunc secutus Alexāder quinque annos regnarūt: Ille quidem maximū animi, sed ante susceptum regnum, q̄ regnās felicior: Hic à Moschis apud Vedrusios victus, eosdē apud Oposcā, Tartaros vero Tauricos apud Clecicum paucis ante mortē diebus insignibus prælijs p̄fligauit: Vterq; extincti propere, credo vt digniori cederent: Post hos Sigismundus hic noster natus est. Hunc secutus Fridericus, sacris initiatus, Archiepiscopus Gnesneñ, simulq; Episcopus Craouiē, & S. Romane ecclie presb  
B byter

byter Cardinalis fuit: Porro filiarū  
Cazimiri duę immature mortuę:  
Heduigis Georgio duci Bauarorum  
Sophia Friderico Marchioni Bran-  
deburgen: Anna Boguslao Pomera-  
norū: Barbara Georgio Saxonū: Eli-  
zabetha vero, patre mortuo, Frideri-  
co Legnicensium et Bregensium du-  
cibus matrimonio iunctę fuere, &  
omnem penę Germaniam affinitatis  
bus & propinquitatibus illustrium  
virorum & mulierum quas enume-  
rare perlongum esset, nobis deuinxer-  
e. Sed ad institutum nostrū reuer-  
tamur. Hoc igitur Sigismūdi genus  
compluribus, quemadmodum vider-  
tis, præclaris principibus ac regibus  
fœcundum fuit. Atq; is ab ineunte  
primum pueritia vnā cum alijs fra-  
tribus ab honestissima & religiosis-  
sima matre sanctę ac tēperanter edu-  
catus,

10  
catus, & à preceptoribus, viris erudi-  
tis, bonis, grauibus, & pijs, ad virtutē  
inprimis & pietatem, cultumq; diui-  
num institutus, in literis quoq; non  
contemnendos progressus fecit, ita  
vt latine scribentes & loquentes sine  
interprete intelligeret, nec incommo-  
de ipse ea lingua vteretur. Germani-  
cam vero, cuius propter finitimos  
atq; etiam incolas Germanos, non  
exiguus est vsus apud nos, exactius  
didicit. Porro in diuinis scripturis  
ita fuit exercitatus, vt multa inde se-  
nior meminisset, ac sæpe eas in ore  
haberet, non ad scurrilem iocum aut  
ad curiosam disceptationem, vt nunc  
improbis, ne dicā impijs, mos ino-  
leuit, sed serio & ad moderādas acti-  
ones vitamq; omnem. Eoq; timorē  
dei, iusticiam, & virtutem maxime  
semper præ oculis habuit. Permultū  
B ij enim

enim refert, quibus rebus quis ab ineunte etate asuefactus fuerit. Nec scio, an ad vitam sic vel sic degendam longe plus faciat, quo modo quis à puero eductus & institutus, quàm quo modo natus sit. Solent enim plerùmque etiam bonæ & generosæ indoles, praua, atque adeo negligentiore quoque educatione depruari: viciosam verò naturam sæpe bona educatio corrigit. Sic igitur educatus Sigismundus, adolescens singulari indole, modestia, comitate, grauitate, & industria, quæ res maxime ætatem illam comendant, magnam sibi non modo nostrorum hominum, sed etiam externorū, Vngarorum inquam, Boemorum, Silesiorū, & Germanorum, cū quibus vixit, benevolentiam adiunxit. Nam cum regnante Ioanne Alberto fratre post patrem, iuuenis in Vngariam

Vngariam ad Wladislaum alterum fratrem se contulisset, ibi ea dignatione fuit, vt Vngari & Boemi magis eum propemodum, quàm regem suum reuererentur: per eum, quæ cuperent, publice & priuatim à rege peterent: eius authoritati & iudicio libenter starent. Usque adeo maiorem vim habet ad tenendos in officio etiam feroces homines, æquitatis, grauitatis, constantiæ, & sapientiæ opinio, quàm regium sceptrum, quàm etiam carcer, bonorum confiscatio, proscriptio, virgæ denique & secures. Itaque magno omnium fauore, Glogouiensem & Opauiensem dominatum, & summam vtriusque Silesiæ præfecturam à Wladislao fratre obtinuit: Adeoque charus ac venerandus fuit Silesijs, vt hodie etiam eius imperium grata & iucunda memoria prosequantur. Quid B iij illud,

illud, nonne ingens est bonæ existimæ  
mationis & benevolentie hominum  
erga eum documentum? quod cum  
regnaret iam in Polonia, à Suetijs  
post eiectum Christiernum regem,  
& item ab Vngaris atq; Boemis,  
post miserabilem Ludouici fratris  
filij interitum, vt illa quoq; regna  
susciperet, expetitus est? Neq; deter-  
rebat Suetios tanta terre marisque  
intercapedo, quanta à nobis disun-  
guntur, ac ne Vngaros quidem &  
Boemos pacta conuenta cum maxi-  
miliani Caesaris liberis, aut Caroli &  
Ferdinãdi maximorum principum  
potentia, si Sigismundus delatum sibi  
regnum suscipere voluisset. Apud  
suos vero quàm gratiosus fuerit, vel  
illud permagno argumento est, qd  
Ioanne Alberto rege mortuo, præ-  
latus fuisset procul dubio in regno,  
maiori

maiori natu fratri Alexandro cum  
ctorum suffragijs, nisi plus publica  
quies atq; tranquillitas, & vetusta cū  
Litvanis, quos iam Alexander ditio-  
ne tenebat, fœdera valuissent. Iam ve-  
ro quantum ei honorē summi quiq;  
principes habuerint, redite quæso me-  
cum paulisper in memoriam. Pri-  
mum enim Maximilianus Caesar nō  
minoris animi, quàm prudentie prin-  
ceps, dudum hostis acerrimus, post  
celebrem illum congressum Viennē-  
sem, eō ipsum honore profectus, ea  
charitate complexus est, vt in loco  
fratris deinceps eum haberet; eius  
gratia fœdus cū Basilio magno Mo-  
schorum duce ictum respueret, ac nō  
modo non defenderet contra Sigis-  
mundum Cruciferos in Prussia, quos  
defendendos susceperat, verum etiam  
auxilia ei contra illos, si quid noui  
B iij moli

molirentur, suo nepotumq; suorum  
nomine promitteret. Qua de re ex  
tat apud nos diploma eius. Huius  
vero nepos Carolus, qui nunc late &  
feliciter imperat, nonne hunc Sigis  
mundo honorem habuit, vt inclyte  
huic regine Bone, vxori eius coniun  
ctissime, Barensem principatum, que  
post obitum matris eius in potestas  
tem suam redegerat, redderet: ipsum  
societate sua & aureo vellere vltro  
dignaretur, sæpe honorificētissima  
eius mentionem faceret: neq; vnq;  
Cruciferis & alijs Germanis bellum  
contra eum flagitantibus indulgeret:  
Adest hic vir clarissimus Stanislaus  
Lascius palatinus Siradiensis, haud  
ita pridem apud illum potentissimū  
Imperatorem legatione functus: Ad  
sunt item viri præstantes, Petrus O  
palenius Castellanus Gnesen. Stanis  
laus

slaus Borgius Decanus Cracouien.  
Nicolaus Myscouius Regie mensē  
structor: Vellem adesset etiam vir es  
ruditissimus Ioānes Dantiscus Epis  
copus Varmiensis: qui omnes idem  
munus apud eundem Imperatorem  
cum laude superioribus temporibus  
obierunt. Ex his cuiq; licet discere,  
quantopere ille princeps maximus et  
grauissimus Sigismūdum regem ob  
seruarit. Quid frater eius, Ferdinandus  
Cæsar et rex potētissimus: nonne  
plurimum eum et amauit, et coluit:  
nonne eius arbitrio controuersiam  
suam cum Ioāne rege de regno Vn  
garorum permisit: Non dico, qui  
bus verbis & rebus præterea sæpe  
numero idem rex quanti Sigismun  
dum faceret, declarauit. Possem autē  
non vano rumore accepta referre, sed  
que cū de grauibus viris accepi, tum  
B v ipse

ipse explorata habeo, cum nuper ad  
illum à te rex Sigismunde Auguste  
cum Nicolao Radivilo viro illustri  
& acuto, Litvanię summo Marscalco  
missus essem. Ne illud quidem com-  
memoro, quanto animi dolore idem  
nuper Sigismundi nostri mortē pro-  
secutus, quātoq; studio pariter et ap-  
paratu exequias ei in maxima prin-  
cipum Germanię celebritate fecisse  
dicitur. Vt autē & Gallorum regem  
Franciscum, qui anno superiore de-  
cessit, Iulium secūdum, Leonem deci-  
mum, Clementem septimum, & hūc,  
qui nunc præsudet, sapientissimum  
Paulum tertium, pōtīfices maximos  
præteream, quorum illustria habitū  
huic regi honoris documenta cōme-  
morare possem; ut magnorum item  
& grauium quorundam Germanię  
principū perhonorifica de ipso elo-  
gia,

gia, quę ipse his auribus audiui nu-  
per, ommittā. Barbari nonne eum  
præ cæteris regibus et monarchis re-  
ueriti sunt? Quo enim rege cultior  
et populosior fuit Russia & Podo-  
lia? hoc est, quo rege quietiores fue-  
re Tarrari, prædis & rapto alioqui  
vivere soliti? Quid ego dicā de Tur-  
cis, qui felicitate sua elati, omnes ho-  
mines atq; gentes præ se contemnūt?  
annon Solimannus bellicosissimus et  
felicissimus eorum imperator, cum  
eo perpetuum fœdus percussit, & re-  
ligiose coluit? negare id alijs postulā-  
tibus, aut ad tempus modo concede-  
re, nec admodum superstitione serua-  
re solitus. An non Valachis ac Tar-  
tari vectigalibus suis ne Sigismun-  
di regis ditiones infestarent, edixit?  
An non idem huic etiā eius filio Si-  
gismundo Augusto per Petrum O-  
palem,





quidem Boleſlaorum & Wladiflaorum  
obscura eſt gloria. Verum illi  
omnes partim cum imbellibus po-  
pulis rem habuerunt, partim bello fe-  
lices, cæteris rebus infortunati fue-  
runt, partim cladibus victorias pro-  
pemodum adæquarunt: partim etiã  
aliquoſq; à fortuna euecti, in medio  
curſu deſtituti, & ad extremum ſæ-  
uis eiſdem procelis obruti ſunt. At  
Sigifmundum noſtrum ab initio ad  
finem uſq; ſecũdo ſtatu fortuna pro-  
ſecuta eſt. Cum quibus uero bella is-  
geſſit: Nempe cũ potentiffimis Mo-  
ſchis, ferociffimis Tartaris, acerrimis  
Valachis, fortiſſimis Germanis, cum  
Turcis deniq; , vel ipſa uictoriarum  
perpetuitate formidabilibus. Quarũ  
gætium validos exercitus uel inſigni-  
bus prælijs uicit & proſtigauit, atq;  
adeo deleuit etiam, uel caſtris exiit,  
vel

vel deniq; regiones earũ impunè va-  
ſtauit. Quosdam etiam domuit. Atq;  
ut à Tartaris perpetuis noſtris ho-  
ſtibus incipiam. Horum quidem nõ  
contemnendos tres exercitus apud  
Sluſcum tribus prælijs duce Cõſtan-  
tino Oſtrogio, principe omniũ ſecu-  
lorũ memoria digniſſimo ad inter-  
necionem penè cecidit. Deinde apud  
Viſnoveciam uigintiquatuor millia,  
cũ ſe per Ruſſiam populabunda dif-  
fuſiſſent, ſexies fuſa leuibus & parti-  
cularibus prælijs, ad extremum tota  
acie inabeuntes facto impetu Nico-  
lao Camenecio palatino Cracouienſi,  
et eodem Constantino ducibus pro-  
ſtigauit, cum noſtri ſex millium equi-  
tum numerũ non excederent, de qui-  
bus uix centum eo prælio deſyderati  
ſunt. Hoſtium uero multo minor  
pars pernici fuga euasit. In Vala-  
chia

chia quoque ante multos annos à Bogdano palatino huius regis auspicijs et armis iudem hostes graui praelio victi sunt. Ne ille quidem ignobiles victorie sunt, quae apud Voronouiam Ioane Camenecio, apud Buscum Stanislao Lancoronio, apud Zincouiam arcem Iacobo Sencignouio atque iterum palatino Kiouensi, in Volinia Constantino & Ostapheo ter, apud Ossacouiam hostile arcem eodem Ostapheo et Prædislao Lancoronio ducibus, & quae in Podolia Trebinij, quaeque apud Cameneciam et Verestatincium pagum, & compluribus alijs in locis Nicolai Senauij viri fortis & magnanimi, qui nunc palatinus Belsensis est, ductu, et fratrum eius, Alexandri & Procopij, ac Bernardi Prætificij Silesij opera parte sunt. Nam leuiores cum his apud

apud Trebowliam, Podhaiciam, Medibozum, & multis alijs in locis prospere item gesta certamina, sciens volensque praetereo, ne sim longior. Tot enim ferè sunt, quot excursiones ea gens rapacissima & famelica, & vel è flamma, quod dicitur, cibum petere solita, in ditiones eius ipso regnante fecit. Perraro enim impune id abstulit. Quid illa apud Canouiam in Litvania ante unum et viginti annos, nonne omnibus saeculis est memorabilis victoria, qua viginti sex millia Tartarorum eodem illo Constantino duce parua manu profligata sunt? Cum Turcis nullum hic rex aperte bellum gessit, sed tamen aduersus eos, cum vel Tartaris intermixti è Podolia praedas agerent, vel Valachis opem ferrent, vel denique nostros circum Bialogrodum, quod &

C Mon

Moncastrum vocant, populabūdos  
insequerentur, cū ab alijs, tum à Pre-  
dislao Lancoronio regis huius au-  
spicijs prospere dimicatum est. Bis  
contra eosdem in Vngariam Lodo-  
uico regi missa auxilia, quo quidem  
vtroq; tempore, vtinam prius quidē  
viro illustri & incomparabili Ioan-  
ni Tarnouio, earum copiarum du-  
ctori, posterius vero  
Gnoinio obtemperatū esset. Vterq;  
Turcica arma viresq; periclitatus es-  
rat in Podolia, cū illi inde, irritati à  
nostris, aliquoties prædas egissēt. Sed  
magis comes Tarnouius, cuius præ-  
clara virtus enituit, quo tēpore Tur-  
cæ ad tredecim millia, Podoliam &  
Russiam ad Leopolim vsq; & fines  
Vngariæ ferro igniq; vastantes, tria  
millia, plus minus, de suis, particula-  
ribus aliquot prælijs fusi, amiserunt.  
Quod

Quod si idem robur animi fuisset in  
eo, penes quē tunc erat militare im-  
perium, potuerat exercitus ille cun-  
ctus deleri. Taceo duodecim millia  
Turcarū in Austria, ante quindecim  
nisi fallor annos, nostratium trium  
millium opera & virtute inprimis  
penē ad internecionem deleta. Nam  
ij tunc quamuis Sigismūdo regnan-  
te, tamē non publice, neq; Sigismūdi  
auspicijs, sed Caroli Cæsaris & Ger-  
manorum stipendijs militarunt. Iam  
Valachos dolis atq; artibus vsitatis  
fretos, & clade nostrorū Ioanne Al-  
berto regnāte apud Bucouinam syl-  
uam accepta, Turcarumq; ac Tarta-  
rorum auxilijs tumentes, quanta non  
modo felicitate, verum etiam celeris-  
tate vicit, ac domuit, cæsisq; eorum  
copijs, vastatis longe lateq; agris, se-  
natu penē omni capto, Bogdanum  
Cij regulū

hic q; no man nec forma subalioz q; d; d; 8 ad eoa ihaz; h; h; vid; zc

regulum gentis, quem Vaivodam & palatinum vocant, restituentem prædam, quam paulo ante in Ruffia ceperat, in verba sua iurare coëgit: & amissam maiorum suorū culpa Pocuciam, ab eo recepit. Nostra vero memoria, cum Petrus palatinus rebellasset, Pocuciamq; rursus inuasisset, primum sex millia hostium apud Gvosdeciam arcem, ac mox viginti duo millia apud Obertinum pagum vix à quatuor millibus nostrorum, duce hoc Ioanne comite Tarnouio viro clarissimo & primario bellatore, insigni & inopinata clade profligata sunt, erepta cum bombardis cætera impedimenta, palatinus ipse saucius vix fuga euasit. Nec tamen ad officium redijt, donec postea in arce Chocimensi obsessus, & ad extrema redactus, solenne vnà cum proce

proceribus & cuncta nobilitate sua regi iusiurandum dedit. Porro cum Germanis Prussiam sibi vendicantibus, quo tempore tu Sigismūde Auguste natus es, bellatū quidem varie, sed nunquam, nisi prospere à nostris dimicatum est. Nempe apud Prusmarcum, Zeburgam, Gutestadiam, Brunsbergam, Restlam, & Rastenburgam, à Iacobo Sencignouio, apud Pissiam à Stanislao Masouiorum duce, in sinu Varmiensi nauali prælio à Gedanēsis, bis apud Bartensteinam, sæpius à Prædistao Lanscoronio & Ioanne Zarembo palatino Calisicensi multis in locis, apud Heilisbergam ab Alexandro Ilouio, Gedani & Elbinge, cum eas vrbes adorti essent, à ciuibus fusi & profligati: Ad extremum tot cladibus, & inedia, vigilijs, et iugi nostrorū equi-  
C iij tum

no e qz no mām nec formā libalē ēē dē dā ā ad dno ihiēstā hūmīd vidēzē

tum vexatione fracti et ad paucos redacti, Prussia excessere. Quid ego de Moschis loquar? qui vel præcipuam glorię et victoriarum materiam huic regi præbuere? Apud Poloscū, olim quidem septem millia hostium à Ioanne Boratinio viro acri et animoso interfecta, Deinde vero tredecimo abhinc anno, cum ij Litvaniam non amplius decem & octo milliarijs à Vilna metropoli, hiberna excursionē depopulati, reuenterētur, mille extremi agminis, quos solos Litvana nobilitas cum aulico regis comitatu tumultuarie accurrēs, assequi potuit, trucidati. Superiori etiam quodam tempore in interiore Litvania prædabundi, magnum suorum numerū, et prædam, quā abigebant, Litvanis insequētibus, amisere. Iam apud Starodubū, Radogostiam, et apud Smolenscum

70  
lenicum aliquoties ante tredecim annos ductu Georgij Radiuili Castelani Vilenensis non sine magnis claudibus profligati. Apud Orsam vero cum primū Sigismundus regnare cepisset, ne expectare quidem nostros, dum Boristhenē tranarēt, sustinuerunt, experti vim eorum in vna & altera turma, quę primo impetu incredibili audacia traiecerant. Verum dilapsi, cū vastari sua ultra Vesnam etiam atq; Drohobusum cernerent, denuo coadunati ad centum millia, ne adoriri quidem ter mille nostros mercenarios milites, cum paucis Litvanis longius à castris regis ad Smolenscū positos progressos, ausi sunt. Magnis vero incōmodis affecti, Mosiro, Turouio & alijs quibusdā munitionibus, quas dudū Michael Glinscijs ad eos per fugiens interceperat,  
C iij commu

commutatisq; captiuis quinquagin-  
ta nobilioribus ac senatorij ordinis,  
quos de Litvanis Alexādro rege vi-  
cto apud Vedrusios ceperant, pacem  
acceperunt. Nec maiore ij fuere fiducia  
longe post, cū Radogostiam ac deinz  
de Ioanne Tarnouio nostros ducens  
te, Homiam & Starodubum arcem à  
nostris partim vi captas, partim in  
deditionem acceptas, amiserunt. Et Sta-  
rodubū quidem, cum amplius quin-  
decim millibus armatorum, qui fue-  
runt in eius arcis praesidio: qui soli  
nostrorum numerum longe supera-  
bant, virtute per paucorum militum  
nostrorū, & sulfurati pulueris ignisq;  
adiumento expugnatum & euersum.  
Neq; vero ij tanto temporis hoc est  
plus quàm viginti annorū interual-  
lo, quantum inter Orsensē pugna,  
de qua iam dicam, & hoc extremum  
Staro-

Starodubense bellum intercessit, ab-  
iectos semel spiritus recipere potue-  
re. Orsensē vero illam celeberrimā  
et cum omnibus ferè omnium gen-  
tium atq; seculorum victorijs compa-  
randam, victoriam, quid hic pluribus  
cōmemorare attinet? Eadem opera  
Soli lumen adderem. Quis enim est,  
qui nesciat illo praelio, Constantino  
Ostrogio principe & Ioanne Svir-  
souiō ducibus, octoginta millia Mos-  
chorū bellatorum, qui omnem no-  
strum exercitum non modo protere-  
re posse videbantur, verū etiam Bo-  
risthenem tranare passi, pecudum in  
modum flagris abigere in Moscouiā  
destinarant, ingenti strage interfecta  
esse, ita vt desyderatorum numerus  
ad quadraginta ferè millia peruenisse,  
vel certe duo & triginta millia  
superasse dicatur; ductores eius exer-  
Cv citus

hic: quā nō mām nec formā sūbalat? Et ad hōc indē Mahiel videzē

citius, viros illustres, omnemq; senatū  
gentis et supra quatuor millia capti-  
uos viuos in potestatem venisse dis-  
repta castra opulentissima : ducem  
ipsum Basiliū bellatorem exercitatū,  
et contra Tartaros & alias gentes si-  
nitimas victoriosum, vsq; ad regiam  
suam Mosqvam profugisse, atq; ibi  
amplius centū & viginti milliaribus  
bene longis à loco conflictus tamen  
vix tuto se subsistere posse credidisse.  
Tantus vero tunc pavor Moschorū  
animos occupat, vt Smolenscum  
Seuerum, Nouogrodum, & complu-  
res alias munitiones, quę ferè fraude  
et perfidia Russorū, partim hoc ipso  
rege regnante, partim superioribus  
temporibus in potestatem hostium  
venerant, desertas tunc ac vacuas de-  
fensoribus, nullo negotio recuperare  
nostri potuerint, si prosequi statim  
victoriam

victoriā per tēpus anni quiuissent.  
Atq; hæc quidem sunt bellica huius  
regis decora præcipua. (Nam leuior  
ra multa prætereo, ne anxie et minu-  
tatim cuncta exquirere & persequi  
videar.) Quæ quidē hoc sunt admirabi-  
liora, quo magis inopinata : vt  
pote in summa ærarij inopia, & ple-  
raq; omnia longe imparibus viribus  
gesta, ita vt bene cum nostris agi vi-  
deretur, quoties non plus duplo ho-  
stium multitudo excederet. Has tot  
ac tantas victorias tanta imparitate  
copiarum quæsitas, nihil mirum est,  
vt est rerum humanarū conditio va-  
ria & instabilis, si quę clades interpo-  
larūt. Sed quotnā, et quātulę sunt eę?  
Vna apud Socalū à Tartaris, temeri-  
tate Russicę nobilitatis accepta, vbi  
quatuor fortasse millia nostrorū à quã-  
draginta millib; Tartarorū loci op-  
portunitate





opulēta cum externis cōmercia, tan-  
tus splendor, ne dicam luxus, tanta  
elegantia cū in ædificiis & victu, cul-  
tuq; corporis, tum in sermone et mo-  
ribus, quanta nunq̄ ante hunc regem  
in Polonia fuit: Loquūtur leges di-  
ligentius aliquanto conscriptę: Claz-  
mant tot arces instauratę, tot exor-  
nata templa dei opt. max. tam splen-  
dide et magnifice exædificata publicis  
iuxta ac priuatis ædificiis Cracouia,  
Posnania, Leopoli, Varsovia, Lu-  
blinum, Gedanū, & alię quædam vr-  
bes atq; emporia, tam deniq; culta &  
habitata Rufsia, Prufsia, Lituania, &  
Podolia, quę regiōes antea syluestres  
& inculte, aut superiorum temporū  
cōditione deserte magna ex parte iaz-  
cuerant. Quid ego priuatos Sigis-  
mundi thesauros, & ærarium sine vl-  
la cuiusquam iniuria, in extremos  
reipub.

reipub. vsus asseruatum? quid tot ac-  
tantas possessiones à maioribus eius  
oppigneratas, ab hoc vero redēptas,  
cōmemorem? Hęc eo sunt maiora,  
et magis honorifica, quo scēdus fuit  
ac deformius, quosdam ante eum re-  
ges quotidianis quoq; sumptibus in-  
terdum defectos esse. Iam vero non  
minima est & illa felicitatis accessio,  
quod eo regnante Zatoriensis ditio,  
et Masouia post quadringentesimū  
ferē annum ad corpus et compagem  
Polonię rediuerunt: Prufsia recusatū  
diu, & aliquoties excussum iugum ac-  
cepit: Pomerani Stolpenses ad inter-  
missam aliquādiu huius regni socie-  
tatem & clientelam, iureiurando ada-  
cti, reuenerunt: In qua tamen nostra  
cōiuentia non diu permansere. Por-  
rò in commemorandis coniugijs &  
liberis, quę non exigua felicitatis hu-  
manę

manē pars est, diutius me immorari  
necesse non est. Permulti sunt in hoc  
cœtu, qui priorem eius vxorem, Bar-  
baram, Stephani comitis Scepusien-  
sis, ac Transyluaniēsium palatini cus-  
ius ductu nonnunquam cum Turcis  
Vngari fortiter dimicarunt, filiam,  
Ioānis postea regis Vngarorum so-  
rorem, scēminam sanctissimam &  
pientissimam nouerunt: quę quidem  
maximam illam Orsensem de Mo-  
schis victoriam assiduis diurnis ac  
nocturnis precibus, cum lachrymis  
et profusa in egenos beneficentia, as-  
perioresq; cultu corporis & ieiunio  
coniunctis, à Deo impetrasse existi-  
mata est. Quę quàm coniuncte cum  
viro vixerit, magno & longo mœ-  
rore, & vberi fletu, ac penē muliebri  
eiulatu post mortem eius indulgen-  
tissimus rex testatus est. Hac imma-  
ture

ture intra tertium annū amissa, alte-  
rā suasu Maximiliani Cæsaris duxit,  
Bonam Sphortiā Ioannis Galeatij,  
Sphortię Mediolanēsiū ducis, & Isa-  
bellę Arragonię filiā: Cuius auus ma-  
ternus, Alfonsus eius nominis secun-  
dus, Neapolitanorum rex, & stirpis  
Arragoniorum ac Siculorum regū,  
de qua Carolus quoq; & Ferdinan-  
dus summi monarchę maternum ge-  
nus ducunt, antiquitate, & sua virtus  
te fuit clarissimus. Paternus vero  
proauus Frāciscus Sphortia, Sphor-  
tig, qui primus eam familiam rebus  
magnis gestis fundauit, filius, cū plu-  
rima & grauissima bella, cum maxi-  
mis principibus, potentissimis popu-  
lis, & præstātissimis bellatoribus per  
omnem Italiam prospere gessisset,  
nominisq; sui gloria ac terrore eam  
impleisset, à Philippo Maria Medio-  
lanensiu

lanensium duce, Blancę Marię filię  
coniugio, dotaliq; Mediolanensium  
principatu dignatus est. Hoc igitur  
tali genere progeneratam Bonam, alte-  
ram vxorem Sigismundus rex accep-  
pit: De qua, quoniam præsens adest,  
gravi dolore & mœrore amissi dul-  
cissimi mariti, quemadmodum cer-  
nitis, prostrata, nihil dicam amplius,  
nisi quod triginta ferme annos cum  
eo nupta, tanti ea fecit maritum regē,  
vt his extremis aliquot annis ægro-  
tantem, & viribus plane destitutum  
non coniugali charitate, sed ancillari  
plane ministerio sine omni fastidio  
curaret. Quo factum est, vt plurimū  
ei vicissim Rex amantissimus indul-  
geret. Harum vero duarum vxorum  
ē Barbara quidem Hedvigim filiam  
susceptam, fœminam lectissimā, Io-  
achimo Marchioni Brādeburgensi,  
electori

electori Romani Imperij matrimo-  
nio iunxit, & nepotibus ex ea viuens  
adhuc auctus est. E Bona vero ma-  
ximam natu filiam Isabellam, fœmi-  
nam excelso & regio animo prædi-  
tam, Ioanni regi Vngarorum, affini-  
iam prius suo, nuptui tradidit, nepo-  
temq; ex ea, regia, quemadmodū fer-  
tur, indole puerum suscepit: quę mu-  
lier complures iam annos post ma-  
riti mortem in præcipua laceri & af-  
flicti regni parte regnat. Reliquas  
vero tres, Sophiam, Annam, & Ca-  
tharinam virgines spectantissimas,  
magnorumq; regum connubijs dig-  
nas, quas hic dolore immature amissi  
patris miserabiliter lamentantes &  
humi abiectas videtis, elocari ipsi, ita  
vt optabat, datum non est. Filius ve-  
ro vnicus hic Sigismūdu Augustus,  
puer etiam dum decimum agens an-  
D ij num



vendicat: Sed ab eo tamen ratione & consilio moderata sunt. Quid ego nunc formam & staturam eius, robor cuiusvis honesti laboris patiens, dignitatē oris, dignamq̃, vt ait poëta summus, imperio faciem depingam? Quod si facere maxime velim, non possim. Prius enim ferè hæc in eo ætate ingrauescēte marcescere cœperunt, quàm ego in hanc lucem prodij. Sed tamen permanserunt in eo etiam affecta iam ætate non obscura earum rerum vestigia. Roboris vero et virium eius argumenta, fracte inter manus non semel florentiore ætate ferreæ equorum soleg, rupti funes canapei crassiores, intense manu baliste, discerpti bisoriarum cartarū fasciculi, à maioribus natu, qui hæc fieri ab eo viderunt, prædicantur. Atq̃ hæc leuiora fortasse cuiquam videantur.

tur. Illa quidē non in postrema bonorum parte numeranda sunt, sanitas, que ipsi perpetua ferè ante extremam senectutem fuit; integritas & solida compago membrorum, que afflictas morbo vires facile recuperabat; vigor sensuum, qui ad extremum vsq̃ eum non destituit; firma, melioribus præsertim annis memoria; deniq̃ acumen ingenij, quo fratres maioresq̃ suos longo interuallo anteuuit. Sed & hæc omnia, vt sint magis propria hominis, quàm illa superiora, tamen ad corpus ferè, que deterior pars hominis est, pertinent, nec magna laude & admiratione digna sunt, quippe cum quibus nascamur, quæq̃ in potestate nostra non sint, & ingenuo cum seruis, urbano cum rusticis, nobili cum plebeis, regi cum mediastimis & baiulis, deniq̃ bono

riac: q̃ no mām nec formā subalēre. Cædā ad rha. iudicābil videzē



ergo ex his in hoc prestantissimo re-  
ge desyderata est? Prudentiane? que  
ex præteritis & præsentibus, ea que  
deinceps euentura sint, colligit: cau-  
sas rerum videt: recte de rebus iudic-  
cat: sibi suisque in longum prospicit  
impudentia mala sapienter auertit.  
At ea summa & admirabilis in eo  
fuit. Argumēto est, bene & cum ap-  
probatione cunctorum, quoad ei per  
ætatem atque morbum licuit, adminis-  
trata, & inter tot vndique imminen-  
tes hostes per tot annos incolumis  
conseruata respublica. Nam quis sa-  
pientius eo, siue ex legibus & mori-  
bus nostris, siue ex æquo & bono ius  
dixit? Nihil eum varietas legum atque  
morum, quibus alijs equestris ordo,  
alijs oppidani, alijs agrestes, deinde  
diuersis Poloni, Litvani, Masouij,  
Prussi, Silesijque vtuntur, nihil diuersa  
& pu

30

& pugnantia nonnunquam senatorum  
iudicia, quo minus ius suum cuique  
tribueret, perturbarunt. Accidit in-  
terdum, vt post dictas à senatu sen-  
tentias, vltima ipsius, ab omnibus di-  
uersa, & tamen omnium esset æquis-  
sima. Porro in consilijs de repub. ni-  
hil temere & incōsulte faciebat, cun-  
cta ad publicam, non partis, aut ordi-  
nis huius vel illius, sed omniū utilitas  
tem referens: fortunę quàm mini-  
mum sese suaque permittens: ac tuta  
consilia lubētius, quàm calida & peric-  
ulosa semper secutus: Bella, in quibus  
fortuna plurimum dominatur,  
nunquam appetiuit, nec nisi necessario, &  
gravi iniuria prouocatus suscepit, &  
ita quidem, vt ab illa Comici poetę  
sentētia non discederet: Omnia pri-  
us experiri, quàm armis, sapientem  
debet. Itaque à quietis consilijs nunquam,  
E ij ne inter



ne inter media quidem arma, & rebus ad nutum fluentibus, abhorruit: Regna à Suetijs, Vngaris, & Boemis, quemadmodum superius dixi, delata refutauit, ne se patriamq; suam nouis et periculosis bellis implicaret, Valachos subiugare, siue adeo ex terminare, ob rupta crebro fœdera cum posset, noluit, ne vel illi desperatione adducti, Turcis sese dederent, vel redacta in prouincię formã Valachia, & amoto quasi obice, ipse difficilimum cum potentissimis Turcarum tyrannis bellum de finibus gerere cogeretur. Non quòd à pia contra barbaros ac deuotos Christiani nominis hostes expeditione penitus abhorreret, sed quòd suas illorumq; vires iusta lance metiretur. Sic enim iudicabat neq; suum esse, neq; vnius planè cuiusquam principis, tam validum

hunc hostem, qui Asię, Africę, Europeq; magnam partem ditione tenebat, florētissimum Græcię imperium euertisset, Caramannos, Cylicas, Syros, Aegiptios, & nescio quas præterea gentes vna ætate subiugasset, deniq; latissime dominantem Persarum regi grauis esset, debellare. Coniungenda esse Christianis principibus arma, si hostem illum à ceruicibus suis vellent depellere. Cum ergo animaduertisset cæteros principes ferilibus odijs inter se digladiari, ac totum penè orbem Christianum plusq; ciuilibus bellis ardere, omni honesta ratione semper Turcicum bellum declinavit, & Ludouico, fratris filio, Vngarorum, & Boemorum regi sedulo idē suavit: qui iuuenis si patruis, quàm ferociorum quorundam consiliariorum suorum consilijs obtemperare

E in perare

perare maluisset, oblatamq; à Turcis pacem accepisset, seu verius ipsis expetitam dedisset, viueret fortassis adhuc, neq; munitissimum Christianorum regnorum propugnaculum, Vngariam secū vnā perdidisset. Hęc sanè fuit causa, cur apud pietissimū et Christianissimū regem Sigismundum nihil valuerunt Iulij secundi, Leonis decimi, Adriani sexti, & Clementis septimi pontificum maximorum preces & exhortationes, ad suscipiendum contra Turcas bellum incitantium. Optabat quidem sapientissimus rex tempus illud, cū Christiani principes restinctis intestinis bellis, reconciliatisq; inter se animis, ad inferendum Turcis bellū conspirarent, plurimumq; in id opere, laboris, et sumptuum impendit, siue quando cum Maximiliano Casare congressus

sus est, siue cum missis non semel ad dissidentes principes, & ad pontifices maximos, veluti presides & moderatores reipub. Christianę legatiōibus, accurate ac diligenter ea de re egit. Et cum initio nonnulla eius rei spes ei affulsisset, non nisi annuas inducias Baiazeti, Solimanni huius auo, petēti dare voluit. Ea vero spe frustratus, sæpe diuinavit, nunquā id se viuentē euenturum esse, vt Christiani principes aduersus cōmunem illum hostem vires coniungerent. Intelligebat enim, quousq; nonnullarū nationum mutua inter ipsas odia processissent: nec defore Turcis, quos à cæterorum consensu, ad impediendos pios conatus, auellerent. Quid illud? cum principes Christiani complures, quos nominare necesse non est, sub Clemente pontifice, in suum fœdus, contra

contra Carolum Casarem, partim  
inuidia felicitatis eius, partim po-  
tentie metu initum, pertrahere eum  
non potuerunt: aut cum nuper pri-  
marij Germanie principes, affines  
ferè ipsius, et præpotens illa tot opu-  
lentorum populorum cõtra eundem  
Imperatorem et fratrem eius conspi-  
ratio, pellicere eum in societatem su-  
am nequiuit: ne eatenus quidem, vt  
vel pecunie nonnihil mutuo daret af-  
finibus & cognatis, vel conatus illos  
tacite approbaret, vel deniq; ne suos  
homines stipendijs eorum militare  
prohiberet: Cuius tamen rei non le-  
uem ei excusationẽ dabant apud Cas-  
sares, libertas et instituta nostra. Non  
modo autẽ nihil eorum fecit, sed eti-  
am dissuadere conatus illos, & pacifi-  
catorem sese interponere conatus est.  
Atq; vtinam ei obsecundatum esset,  
non tam

non tam vasta quibusdam locis, neq;  
tam exhausta passim esset pecunijs  
iuxta ac viris Germania, & liberi ad-  
huc principes quidam retinerent do-  
minatus suos amplissimos. Sed for-  
tasse sic Deo visum, vt factum & cõ-  
tumaciam, prætextu libertatis euang-  
gelicę contra sanctissimas leges et in-  
stituta maiorum, contra antiquissim-  
um vniuersi Christiani orbis consen-  
sum, & cõtra legitimos magistra-  
tus suos impie se se efferentem, retun-  
deret. Cum igitur hæc vel faceret, vel  
recusaret optimus rex Sigismundus,  
nonne magna fuit illa eius prudẽtia  
cum fide amicitie & constantia con-  
iuncta? Quid? cum Ioanni regi, bis  
affini suo, ne regnum Vngarorũ Fer-  
dinando Maximiliani nepoti iam  
prius destinatum, susciperet, dissuade-  
re frustra studuit: aut cum ei profu-  
F go.

go, exilij quidem locum apud se in-  
dulfit, vt aliquid necessitudini, & ca-  
lamitati eius tamen daret, auxilia ve-  
ro contra eundem Ferdinandum ne-  
gauit: aut cum pacem inter eos com-  
ponere magna cura instituit: Cernes-  
bat nimirū sapientissimus princeps  
à longe, quantum mali intempestiua  
illa Ioannis ambitio Vngaris adue-  
ctura, quantisque malis & calamitati-  
bus non modo florentissimum illud  
regnum, verumetiam finitimas ei re-  
giones inuoluturū esset bellum illud  
inter duos de regno conflatum. Iam  
in reuocandis ad officium Gedanens-  
ibus, quodam furore multitudinis  
ad rebellionem concitatis, & in eijci-  
endis è Prussia Cruciferis Marianis  
tam cupidis, tamque contumacibus, vt  
nunquā ab eis Polonia & Litvania  
quiete esse possent, an non magno &  
exquisito

exquisito consilio vsus est? Ne illud  
quidem eius consilium sapientia va-  
cavit, quo, cum hinc à Moschis graui  
bello distineretur, inde Cruciferi non  
leuius bellum ei ostentarent, Maxim-  
ilianus vero Cæsar, insensus ipsi  
adhuc, & hos, & omnes, quoscunque  
posset, in eum, & in perniciem Pos-  
lonorum concitaret, Tartaris dona-  
tium, siue stipendium cōstituit, non  
modo vt ab assiduis eorum incur-  
sionibus ditiones suas, alijs, quemad-  
modum dixi, bellis impeditas, libera-  
ret, verum etiam vt eorum opera, in  
vexandis ac distinendis Moschis, &  
alijs hostibus suis, paruo redempta  
vteretur. Qua re tantum profecit, vt  
& Moschos ad petendam pacē ad-  
geret, & tam culta & habitata sit, quā  
nunquam sub fratribus, patre & pa-  
truo eius fuit, Podolia. Quam solio  
Fij dum

dum vero fuit eius iudicium in mandandis honoribus & magistratibus, et in allegendis in senatum viris idoneis, quoties id ei arbitrio suo facere per quosdam importuniores, quibus impensius indulgebat, licuit? Atque hoc id admirabilius est, quod difficile est non peccare in hac parte maximis quibusque regibus & principibus, propterea quod alienis ferè & oculis cernunt, & auribus audiunt. Iam peculiaris illa eius in omnibus dictis et factis cunctatio, ne ipsa quidem sua commendatione caret. Nimirum sapientis est, nihil temere, nihil precipitanter, sed omnia consulto ac deliberate agere. Sic enim cauemus, ne cuius nos dicti aut facti unquam poeniteat. Itaque celebratur etiamnum literarum monumentis non ignobilis populi Rom. Imperator, Fabius maximus:  
de quo

de quo vulgatus est ille poetæ cuiusdam versiculus, Vnus homo nobis cunctando restituit rem. Atque hæcenus quidem de prudentia Sigismundi regis nobis dictum sit modo. Cuius quidem ipsi causa fuit timor Dei, cum lacte nutricis, ut ita dicam, imbibitus. Initium enim sapientie, quemadmodum sapientissimi reges David & Solomon inquirunt, est timor domini. Fortitudine vero & magnitudine animi quanta hic rex præditus fuerit, quam impiger ad propulsanda & suscipienda pro salute & incolumitate suorum bella, quam contemnens earum rerum, que maxime in hac vita experende esse videantur, qualia sunt, regna & imperia, satis iam opinor intellexistis ex his, que superius diximus. Quin ex illo quoque magnitudinem animi eius intelligere licet,  
F iij quod

tit. q. no. man. nec forma subalioz. Cod. 8. ad. r. h. v. in. d. Fabius. videz.

quòd Prussico bello, cum terrore nò  
modico aduentantium è Germania  
auxiliorum, meliore rursus loco res  
Cruciferorum esse cœpissent nihil de  
conditionibus pacis, hosti prius à se  
oblatis, mutare voluit: Aut quòd cū  
ipsi Litvanig possessionē post mor-  
tem Alexātri fratris adeunti, de no-  
uis quorundam Litvanorum moti-  
bus renunciaretur, non est deterritus,  
quo minus institutum cū paucis co-  
mitatu aulico iter profequeretur: Et  
cum deinde Michaelē Glinscium  
ducem Russum, qui ad dominatum  
adspirare dicebatur, cum valido equi-  
tatu aduentare, in balneo tunc forte  
sese abluens, cognouisset, neutiquam  
turbatus est animo. Venientem, cum  
tranquillo vultu & comiter accepis-  
set, cuncta ei scelerata consilia (quod  
Michael ipse postea fassus esse fert)  
e pectore

è pectore excussit. Tantum eius ani-  
mi magnitudo in graui & constanti  
aspectu relucens, apud hominem A-  
lexandri regis nimia gratia insolecē-  
tem, ac dominantem cupiditate incen-  
sum, valuit. Sic feroces alioqui canes  
ad Molossorum aspectum proicere  
sese, & adulari cauda solent. Quid il-  
lud? q̄ Vngaris & Boemis cum suis  
regibus Viennam ad Maximilianū  
Cæsarem proficisci, fideiq̄ eius, quē  
Posonii in constituto congressus lo-  
co diu frustra expectarāt, credere sese  
ob non leues suspiciones dubitātibus,  
ipse, nò sanè amicū ad eam diem ex-  
pertus Cæsarem, permagna fiducia  
ire ad eum perrexit, ac cæteris idem  
faciendi, data fide pro Cæsare, authōr  
fuit: Porro æquabilitate animi in v-  
traq̄ fortuna, tanta fuit, vt neq̄ se-  
cundis rebus diffliueret, neq̄ aduersis  
frange-







bore solitus. A probris, maledictis,  
quāuis et acerbioribus verbis, iratus  
omnino sibi tēperauit. Quanta vero  
fuit huius optimi regis modestia: qui  
cū acri et solido esset cū in iudicando,  
tum in consultando iudicio, & neq;  
gratia, neq; odio facile deduci se ab  
æquo & bono pateretur, tamen ni-  
hil ferè maius vnquam sine consilio  
senatus fecit aut statuit, ac nonnunq;  
de recta sententia sua consensu sena-  
tus adductus decessit, ne pertinax es-  
se videretur: quod ingens est & per-  
niciosum plarunq; in principe vitium.  
Fiunt enim multa interdum iniuste  
et inutiliter, atq; etiam temere & cū  
multorum exitio ab his, qui sibi plus  
quàm cæteri sapere vidētur, dum iu-  
dicio suo freti aliena consilia asper-  
nantur. Iam illud, nonne magne fuit  
modestig simul & grauitatis, quod  
aduers

aduersantem sæpe desyderijs suis, vel  
vtilibus, vel certe non perniciosis  
reipub. nobilitatem, æquo & mode-  
derato animo pertulit, neq; vi quicq;  
inuitis extorquere aggressus est, neq;  
intemperantiorem cuiuscq; in se petu-  
lātiā acerbius vltus est, ne tum quis-  
dem, cum apud Leopolim concitate  
multitudinis conatus prodigiōsa tē-  
pestate diuinitus disturbati, ferocio-  
rem eum facere potuerunt? Ac ne  
eblandiri quidem præter dignitatem  
aliquid, quod extorquere nollet, vo-  
luit. Non pauca tamen aliquādo ex-  
tra ordinē et præter debitū huic eius  
modestig, cōsensu & obsequio multo-  
tudinis atq; cōsiliariorū cōcessa sunt.  
Ita nimirum sæpe plus impetrat mo-  
destia, quàm exprimit imperium &  
violētia, præsertim ab hominibus ab  
humanitate & libertate non alienis  
G in simis.

simis. Ab eo vero, quem sibi in omni  
ni vita proposuerat, modo, neque cupiditate  
vlla, aut metu, neque ira aut odio, neque  
aduersitate & aegritudine animi, neque læticia  
denique & voluptate, que res transuersos  
ferè rapiunt homines, facile unquam auocatus  
est, & abstractus. Porro si quando animum  
grauibus & continentibus reipublice  
occupationibus lassum, & quasi fatiscen-  
tem recreare & relaxare voluisset, equita-  
tionibus, ac ceruorum, onagrorum, aprorum,  
vrsorum, & bisonum venationibus (quod  
studium ipsi gentilicium atque hæreditarium  
fuit) non sine vtili & salubri corporis &  
virium, atque etiam industrie exercitatione  
id facere solitus est: Interdum etiam eque-  
strium certaminum atque ludorum spectaculis.  
Scurrilibus quidem iocis, et leuioribus sordidis  
lusu-  
sibus,

40  
sibus, mimis item, & histrionibus, & morionibus  
non libenter, præsertim integrioribus adhuc  
viribus, vacauit. Nec plura nunc de regis huius  
temperantia & modestia dicam. Reliqua est  
nobis vna maxima & præclarissima virtus  
eius, que eiusmodi est, vt neque vesperugo,  
neque aurora sit magis admirabilis, quemad-  
modum inquit sapiens quidam: Iusticia inquam;  
qua firmantur solia, vt ait sapientissimus rex  
Solomon, stabiliunturque regna: Que quidem  
vel maxime in hoc rege resplenduit. Itaque  
ergo iure optimo firmatum est solium eius,  
regnumque stabilium. Nam siue æquabilitatem  
& æquitatem eius in dicendo iure, tam diuerso  
& vario, quam est in hoc regno, spectes,  
siue grauitatem & constantiam inter diuersas  
plærunque senatorum, & nonnunquam pug-  
nantes  
inter



nam sceleri & ignauig, institutis maiorum nostrorum esse propositam, infamiam inquam & odium bonorum virorum, ad seueritatem quidem et expetendas de fontibus pœnas fuit remissior, nec nisi necessario, quæadmodum ad secandum vrendumque medici, ad hoc descendebat: Vt, cum Casimirienſes aliquot decuriones ob cædem nobilium quorundam, tumultu concitate multitudinis patratam supplicio capitali affecit, ne quod maius malum inde existeret, & vt illi exemplo essent in posterum magistratibus, multitudinem temere concitantibus, concitatamue non refrenantibus, vel cum Gedani de capitibus seditionis vrbane supplicium sumpsit: vel denique cum dux adhuc Silesie, regionem illam omnem latrocinijs, quibus infamis erat, iam inde ex quo tempore bella

bella ibi à Boemis & Vngaris, Mathia & Georgio ac mox Vladislao regnantibus, gesta sunt, penitus res purgavit. Quod factum eius cum finitimi omnes laudant, tum Silesij quoque etiamnum grata memoria persequuntur. Ad clementiam vero fuit propensior, ita vt cum aliquando eam ob rem nescio à quo viro senatorio reprehenderetur, vrbaniore responso repressisse illam eius acerbiter feratur. Qui scis, inquit, à quonam seueritatem istam exordirer? Illud opinor innuens: Neque illum culpæ exortem esse, & ad multa nonnunquam conuiuendum esse rempub. administranti. Proinde multos capitibus reos vita donauit: nonnullis iniustam iure infamiam sustulit: nullius propemodum bona confiscauit: confiscata etiam, ijs, quorum fuerant, reddidit: Exul  
H ij les &

les & proscriptos reuocauit: Sine ac-  
cusatore quidem & indicta causa ne-  
minem damnauit. Gedanensibus vi-  
lis plebeculę impetu ab officio disce-  
dentibus nihil ferè de pristina liber-  
tate & immunitate, nihil de commo-  
dis, quę per ampla sunt ciuitati illi pu-  
blice & priuatim, detraxit: auctores  
modo seditionis paucos inuitus par-  
tim interfecit, partim exilio multauit:  
Hostibus supplicibus libētissime  
veniam dedit, ita vt vel de medio vi-  
ctoriarum cursu non grauate retrahi  
se ad veniam reconciliationemq; pa-  
teretur. De Valachis quidem iam  
diximus. In Cruciferos vero, debel-  
latos iam ferè, quàm clemēter se ges-  
sit: Quòd nisi fidem eorum, dubiam  
semper, suspectam habuisset, non mo-  
do siuisset eos retinere quę habebant  
adhuc, sed ablata quoq; ni fallor, eis  
reddi

reddidisset. Magistrum quidem eor-  
um, Albertum Marchionem Bran-  
deburgensem, sororis suę filium, ex-  
pectatione & aduentu auxiliorum e  
Germania, varie tūc, vt q̄ leuissimo  
verbo vtar, secum agentē (dabit mihi  
veniam princeps amplis, vulnus suū  
necessario refricanti, & beneficentis-  
simi in se auunculi memorię hoc non  
inuitus, vti spero, donabit) retinere  
ea, quę ante bellum illud habuerat, &  
partim iure belli amiserat, partim a-  
missurus esse videbatur, omnia iussit,  
et honore auxit, Magistri appellatio-  
ne in ducis nomen, quo omnem de-  
inceps rebellandi occasionem tolles-  
ret, cōmutata, deniq; hæreditarium ei  
fratribusq; eius Cazimiro & Geor-  
gio in mares duntaxat liberos, prin-  
cipatum illū constituit. Hęc an non  
maxima sunt documenta clementię,  
H in hostē,

hostem, quem minime esse decuerat,  
et hostem pertinacem, penè deuictū  
et fortunis spoliatum, meliore q̄ fuis-  
set dudum, conditione, in societatem  
et amicitiam recipere? Quid illud eo-  
dem bello, quòd Germanos milites  
contra se militantes, velitationibus et  
leuibus nostrorum prælijs exagita-  
tos, & labore, inopia, inedia, vigilijs,  
vulneribusq̄ confectos, delere, cum  
posset, noluit? Captiuos, quorū ple-  
nè erant turres & ergastula in maio-  
re Polonia & Cuiavia, sine vllò pre-  
cio liberos, atq; adeo veste & viatico  
donatos, dimisit? Cuius clementie  
benignitatisq̄ sue maximū, nisi fal-  
lor, fructum cepit: Nempè q̄ per tot  
annos deinceps eo regnante, in Prus-  
siam Germani, & contra Polonos,  
quamuis sedulo sollicitantibus Cruz-  
ciferis, arma non sumplerunt, non  
tam

tam viribus et fortuna regis, vt equi-  
dem credo, deterriti, quàm beneficia  
victi. Sæpenumero enim ij, qui  
aliquando victi fractiq̄ sunt, contra  
victores sese recolligunt. At quos vi-  
ctos seruaris ac iuueris, eos beneficij  
pariter & fortunę sue recordatio,  
pristinò spiritus recipere non tam  
facile sinit. Neq; illud minus est, nec  
scio an longe maius clementie Sigis-  
mundi argumentum, quòd cum per  
magna libertate, cui reges atq; mo-  
narche plariq; omnes infensi & in-  
festi sunt, respublica nostra constitu-  
ta sit, nunquam eam infringere cona-  
tus est, quamuis impellentibus ad id  
quibusdam, & maiore nonnullorum  
licentia aliquando prouocante. Verū  
cedere furori paucorum, quàm de-  
trahere aliquid propter eos de com-  
muni libertate rex optimus maluit.  
Quod

hoc: quia nō mām nec formā libat: et C. d. 8. ad r. h. o. i. h. d. 5. h. a. b. i. e. l. v. i. d. e. z. c.

Quod si qui reprehendunt, eundem sa-  
nè reprehendant, quòd amari à suis,  
q̄ timeri, & patrem se, quàm dominū  
haberi maluit. Huc & illud pertinet,  
quòd procerum similtates atq; dis-  
sensiones semper sedauit, quoad po-  
tuit; quas alere tyranni, & qui priua-  
ta cōmoda sua, quàm rempub. pluris  
faciunt, solent. Nec eē tantum, prohi-  
dolor, his extremis eius temporibus  
inter quosdam inualuissent, magno  
iusticię & iuris dicundi impedimen-  
to, scelerum impunitate, & periculo  
malosq; reipub. dum ea quasi plaustrū  
disparibus ac diuersis iumentis, auris  
ga cessante, aut nec quicq; laborante,  
distrahitur, ac discerpitur; non inua-  
luissent inquam dissensiones tam pe-  
stilentēs, si senium & perpetuus ferē  
morbus consuetudinem & authori-  
tatē pristinam retinere eum siuisset.

Quo fit,

Quo fit, vt ipsi iure quoddam suo ve-  
nia danda sit, si non per omnia eum,  
quem debuit, quēq; florentiore ipsius  
ætate tenuerat, cursum respub. pristinū  
illo sensuū, animi, & memorię vi-  
gore in eo deficiente, tenuit. Aetatis  
hęc viri Poloni & Litvani, non il-  
lius culpa est. Ille quidem præclaris  
virtutibus suis, atq; superioris tem-  
poris administratione & felicitate  
hęc, si qua fuerunt, extremi tempo-  
ris incōmoda, penitus, si modo vos  
æquiores & gratiores, quàm mali-  
gniores haberi mauultis, obscurauit.  
Neminem vnquam mortalē inuenie-  
tis, qui omnes numeros felicitatis ab-  
soluat. In charissimis quoq; parenti-  
bus, suauissimis vxoribus, dulcissimis  
liberis, atq; adeò in seruis quoq; ve-  
stris multa quotidie vos ferre neces-  
se est, nisi humanitatem exuere pror-

I sus ve

sus velitis. Quæ enim ista esset iniu-  
sticia & immanitas, atq; adeo impie-  
tas, si liberi parentē suum, à quo pro-  
geniti, liberaliter educati & instituti,  
semper indulgenter habiti, & omni  
ratione adiuti & ornati, summa de-  
niq; omnia consecuti essent, ad extre-  
mum propter olentem animam, mu-  
cidasq; nares, addo etiam si liber,  
propter neglectam rem familiarem,  
abominaretur, aut etiam grauius in-  
cularent, superiorum omnium bene-  
ficiorum obliti? Non est hoc vestri  
moris, neq; ingenij viri Poloni, qui  
non penitus malos reges, nedum bo-  
nos & bene meritos, grata memoria  
prosequi solet. Verum ad institutū  
nostrum reuertamur. Fuit igitur in  
Sigismundo, quemadmodum vides-  
tis, singularis clementia & priuatim  
et publice. At fuit is restrictior in  
bene

bene merentes de se ac repub. Fuerit  
sanè ita. Sed quis hoc ei vicio vertat?  
si bene secum reputet, inane ante eum  
regem ærarium; oppigneratas à ma-  
ioribus eius possessiones plerasq; &  
bona regia: egentes quosdā reges, ne  
in quotidianos quidē sumptus pecu-  
nia suppetente: nō solutas à patre, ab  
ipso vero exactas omnium, nisi fal-  
lor, sororum dotes: dotatas duas fili-  
as, tres etiam reliquas dotandas &  
pro dignitate sua regniq; elocandas  
persoluta militibus suis & externis  
supra ducenta millia florenorū, eme-  
riti apud Ioannem Albertum & A-  
lexandrum fratres stipendij nomine  
debita: deniq; complura bella non  
sine magnis impendijs gesta, & alia  
præterea impendentia. Hæc quisquis  
recte secum perpendit, simulq; cogi-  
tat, quo indignitatis illa ærarij ino-  
pia,



pia, patrem, fratresq; atq; etiam ma-  
iores eius nonnunquam impulerit,  
æquior multo in hac parte Sigismū/  
do erit. Et tamen nihil is prætermis-  
sit, quod ad splendorem regni & pa-  
trig, dignitatemq; suam & magnifi-  
centiam pertinere existimauit. Ut  
enim illa que modo attigi, non repe-  
tam, vt redemptos à barbaris capti-  
uos: restitutas res, ne belli causa es-  
sent, potenti hosti à nostris præda-  
bundis ablatas: senas nuptias magni-  
ficentissimo apparatu factas: cōstru-  
ctas aliquot locis, & p veteribus tu-  
gurijs regali magnificentia exornatas  
domos, vt hæc inquã prætereã, Arces  
qdẽ Camenecẽsis in Podolia, Leopo-  
liẽsis, Sãdomiriensis, Corcinẽsis, Vile-  
nensis, Cracouiensis et hæc qdẽ bis, et  
alię quædã instauratę & munitę: cõ-  
paratę & instructę permultę & ma-  
gng

gng bombarde: frequentes legatio-  
nes ad externos principes missę, &  
ab eis vicissim venientes, splendide ac  
liberaliter acceptę atq; dimissę, per  
magno ei constiterunt. Sumptuosus  
vero & ille fuit splendidissimusq; cū  
Cæsare Maximiliano, & Wladislao  
ac Ludouico regibus apud Viennam  
congressus, quo Polonorum & Li-  
tvanorum nomẽ, obscurius antehac,  
et inopię, inertię, barbarieiq; opinio-  
ne contemptibile apud externas gens  
tes illustrius & admirabilius esse cœ-  
pit. Post hos tot tãtosq; sumptus, nõ  
in luxum, delicias, & voluptates pri-  
uatas profusus, sed ad vtilitatem, sa-  
lutem, decus & ornamentum reipub.  
factos, non est sanẽ reprehenden-  
dum, nec scio an valde laudandum,  
quod ararium non inane reliquit,  
filij hæredis necessitati, & futuris rei-  
I iij pub.

riæ: q; nõ inuam nec formã libalẽ: Cæcã ad huc in dẽs fabricat. vide zc.

pub. v'sibus, vt filiarum dotes taceã,  
vtiliter seruiturum, bellicq;, si quod a  
licunde nobis inferretur, neruum fu  
turum. Et tamen cum hoc sibi pro  
posuisset, ne in priuatos quidem be  
nignitatem & munificentiam suam  
clausit; & fortes, doctos, ac sapientes  
viros, aut quauis alia ratione vtiles  
reipub. cū donis, tum honoribus &  
alijs beneficijs p'secutus est. Vt enim  
literatos homines, nostrates pariter  
et externos, quorum vel opera hono  
rifice in rebus magnis vti se posse  
existimabat, vel scriptis & præconijs  
suum populorumq; suorum nomen  
illustratum iri sperabat, vt eos igitur  
omittam ac de fortibus viris aliquot  
modo insigniores cōmemorem, non  
ne Constatinum Ostrogiensem du  
cem per amplis beneficijs auxit; nōne  
Ostapheio plebeio, aut obscuro duntaxat

taxat homini, sed in Tartaricis bel  
lis exercitatissimo & vigilantissimo,  
cū alias, tum post obsessam aliquanz  
diu et oppugnatā à Turcis atq; Tar  
tarijs, ab eo vero strenue defensam ar  
cem Cercassiam, permagnum hono  
rem habuit, & multa largitus est;  
multa sepe delinquēti indulgit. Quid  
Nicolaum Senauium scientia & vsu  
rei militaris præstantem, excellentis  
virtutis ergo collocupletatum, & ad  
eum, in quo nunc est, honoris gradu  
euectum; Quidue virum omni laude  
cumulatissimum Ioannem comitem  
Tarnouium, cum alijs non obscuris  
beneficijs ornatum, tum ad summū  
dignitatis fastigium euectum, euidē  
tibusq; grati animi indicijs, et præclaris  
elogijs cum siue à Moschico bello  
& Starodubo euerso, siue à deuic  
tis apud Obertinum Valachis res  
uerteretur,

uerteretur, ab ipso ornatū, & hono-  
rario munere, publico totius Polo-  
nie consensu binis grossis collatis, co-  
honestatum, cōmemorem? Viuunt  
hi duo, & adfunt, & hæc mea dicta  
nutibus renidentes approbant. Ta-  
met si longè maximū hi virtutis præ-  
mium, sempiternam rerum à se ge-  
starum gloriam, quæ eos nunq̄ desti-  
tuet, arbitrantur. Taceo Bielscium &  
Lacium Moschos transfugas perho-  
norifice ab eo acceptos, & luculentis  
possessionibus donatos, ingenij, fidei,  
et scientiæ rei militaris ergo. Non fu-  
it ergo, non fuit Sigismundus, ne in  
hac quidem parte restrictior. Aut si  
quando tandem fuit, non sua volun-  
tate, sed necessitate idq; ingrauescen-  
te maxime ætate fuit. Quoniam aut̄  
illa quoq; vel potissima pars est ius-  
titiæ, quæ cum cœlitibus hominum  
quasi

quasi societate quandã tuetur, pietas  
inquam & religio, de hac quoq; iam  
tandem postremo loco mihi dicen-  
dum est. Consulto autē in hunc eam  
locum seruavi, vt quæ reliquas om-  
nes virtutes in se continet, & quasi  
germina quædam ex se emittit, ho-  
minisq; felicitatem perficit, eadem  
nobis huius optimi regis perficiat  
laudationem. Absq; hac enim cætere  
virtutes, imagines virtutum & um-  
bræ sunt verius, q̄ virtutes: neq; om-  
nino laudabiliter & beate, quamuis  
rebus ad vota fluentibus, viuunt.  
Qua autem pietate fuerit, quamq;  
sanctæ & religiose Deum opt. ma-  
ximum Sigismundus hic rex colue-  
rit, si alia nulla essent, ea, quæ hæc-  
tus persecuti sumus, satis magno es-  
sent argumento. Neq; enim ita se ille  
tum in administrando regno, tum  
K in omni

hic: q; no man ne forma subalio? Ad 8 ad huc. In 22 habet. vide 22.

in omni vita gessisset, neq; tantus e/  
ualisset, neq; tot bonis & felicitati/  
bus, quot percurrere obiter vix pos/  
tuimus, aut ipse, aut ditiones eius cum/  
mulatę fuissent, nisi Deum propiciu/  
um habuisset. Verissimum enim il/  
lud est, quod est in epistola diui Ias/  
cobi Apostoli. Omne munus bonū,  
et omne donum perfectum superne  
descendere à patre luminum. Eum  
vero nemo propiciū habere pos/  
test, nisi qui agnoscit, reueretur, et col/  
lit, omnemq; fiduciam suam in eo  
collocat. Sic enim canit Dauid rex  
et propheta: Inquirentes dominum  
non deficientur vilo bono. Et alibi:  
Qui confidunt domino, erunt sicut  
mons Zion, qui non comouetur in  
æternum. Cum igitur Sigismundo  
tot illa tantaq; bona in omni vita  
suppetierint, quis negabit eum Deo  
cure,

50  
cure, suo nonnullo merito, fuisse?  
Ut enim non fallitur, ita neq; fallit  
Spiritus sanctus, qui per Dauidem  
olim locutus est: Quoniam rex spes/  
rat in domino, & in misericordia al/  
tissimi, non commouebitur: Et que  
præcedunt, Desiderium cordis eius  
tribuisti ei: Præuenisti eum in bene/  
dictionibus dulcedinis: et alibi: Pro/  
pe est dominus omnibus inuocanti/  
bus se, omnibus inuocantibus se in  
veritate: Voluntatem timentium se  
faciet, & preces eorum exaudiet, &  
saluos faciet eos. Custodit dominus  
omnes diligentes se. Sed quoniã im/  
pijs quoq; nonnunquam prospere  
multa in hac vita cadunt, elucetq; in  
eis etiam aliquando nonnulla imago  
virtutis atq; pbitatıs, age videamus,  
num qua alia ratione pietatem huius  
regis ostēdere possimus. Et ecce oc/  
K ñ currūt





Christiani orbis consensu tot sæculis  
retentum esset. Didicerat non hic,  
aut illic, & in angulis omnino Chris-  
tum querendum esse, neq; vniuscui-  
usq; esse, arbitrato suo verba & ins-  
tituta dei interpretari, sed ecclesiam,  
ecclesiam inquam, in qua certa esset ac  
perpetua, vt inquit vetustissimi san-  
ctissimi & grauissimi doctores, Ire-  
næus, Cyprianus, & Augustinus, tot  
sæculis cõtinuata, sacerdotum et episcopo-  
rum successio, columnã esse, quæ  
admodum ait diuus Paulus, et firmam  
mentũ veritatis. In ea sola dari spiri-  
tum veritatis, qui vt author, ita in-  
terpres quoq; sit sacrę scripturę: non  
dissensionis, verum pacis Deus. Quo  
quidẽ illis carere necesse esset, quibus  
inter ipsos non conueniret, & qui ne  
ipsi quidem singuli sibi constarẽt, sed  
omni vento doctrinę, quasi nebule  
turbine

turbine exagitate, circumferrentur.  
Animaduertit etiã et illud pius prin-  
ceps, omnem nouorum istorum theo-  
logorum rationem inuidia, cu-  
piditate, ambitione, & effreni quadã  
licentia inflammata, ventri suo ser-  
uire, non Iesu Christo, quem dictis  
quidẽ et scriptis, ac manicis quoq; tu-  
nicarum iactarent, factis vero, vt ait  
idem Paulus, negarent: qui superba  
et vana loquentes, vt verbis diui Pe-  
tri vtar, per concupiscentias inescarẽt  
homines carnis voluptatibus, eos qui  
pusillũ aufugerant, eos qui in errore  
versantur, dum ipsis libertatẽ polli-  
centur, ipsi serui corruptelę. Intelligo  
bat etiam, si qui fortẽ abusus in mo-  
res nostros vitamq; irrepsissent, si te-  
mere in vnius cuiusuis, aut paucorum  
priuatorũ arbitrio submouerẽtur, res  
ligionem omnẽ sacrosanctã, cuiusuis  
L libidine

libidine exagitata & labefactata, vacillaturam et in periculum venturam esse. Vel aliam quis proferat causam, curam sanctissimam, et ab ipso Christo Iesu institutae ceremoniae, & religionis Christianae fundamenta, sacramenta inquam, & ipsa diuinae naturae cum humana in Christo indissolubilis copulatio, à Germanicis istis, quemadmodum ipsi videri volunt, euangelij illustratoribus, impudenter & impie conuellantur. Nimirum nusquam consistit impia et gygantea hominum audacia, ubi semel frenos excussit, et quoduis in dubium reuocandi mutandique licentiam nacta est. Religione enim et reuerentia, & sacrosancta quadam atque inuiolabili persuasione religiones omnes continentur. Haec igitur cum ita perspecta haberet religiosissimus rex, ad officium suum vel maxime pertine-

re exi

re existimauit, ut religionem omnemque cultum diuinum, quemadmodum à maioribus accepisset, in regno suo conseruaret, sacerdotumque incolumitatem ac dignitatem, quibus quasi canibus quibusdam sagacibus incolumibus, neque grex Christi lacerari à lupis, neque ab apris aut vulpeculis vinea vastari posset, tueretur. Eamque ob rem Gedanienses ciues in multitudinis temeritate quadam seductos, summa cura atque diligentia, contempto omni periculo, quod ipsi inde non obscure imminerebat, in viam, & ad pristinam religionem reduxit. Iam vero illa, quod in oribus sacra Christi mysteria ritu Christiano expetiuit, & venerabundus accepit, quod se totum Deo religiosis verbis & suspirijs commendabat, quod in eius clementia & misericordia fiduciam suam omnem collocabat, quae &

Lij isti



isti euidentissima, nisi fallor, verę pie-  
tatis indicia iudicant, nõne certa sunt  
pie & religiose exactę vitę testimo-  
nia? Cũ igitur tanta pietate, quanta  
genere illo inclyto, et educatione op-  
tima digna fuit, præditus fuerit Si-  
gismũdus, nihil mirũ, si iustus quoq;  
clemens, magnificus, & benignus: si  
temperãs, moderatus, pudicus, et mo-  
destus: si fortis, cõstans, patiens, et ex-  
celso animo: si præteritorũ memor,  
præsentium sagax indagator, futuro-  
rum acutus cõiector, & vtiliũ publi-  
ce priuatimq; diligens et sapiens pro-  
uisor fuit: Non mirũ, si in hac breui-  
tate vitę humane, magnisq; labori-  
bus viuendo octogesimũ secundum  
annũ attigit: si viribus et valetudine  
plerunq; firma fuit: si sensuum inge-  
niq; vigorem ad extremũ penẽ re-  
tinuit: Non mirũ, si gratia & autho-  
ritate

ritate apud suos pariter & externos,  
summos iuxta ac infimos valuit: si  
amplissimũ regnum, elatis post patrẽ  
duobus fratribus, mature adeptus,  
bellis felix & victoriosus, pæce multa  
beatus, vxoribus et liberis non infor-  
tunatus, ditionum aliquot accessio-  
nibus locupletior, tam bene, tã quie-  
te, tam feliciter, tantoq; bonorũ om-  
nium fauore vno & quadraginta an-  
nis id administravit, & florentius  
multo, quàm acceperat, non degene-  
ri, vti confidimus, filio reliquit: Non  
mirum deniq; si sempiternũ optimi  
et fortunati principis, & patris pa-  
trię nomẽ atq; gloriam, nisi me vanũ  
fallit augurium, apud longã posteri-  
tatẽ celebris inclytusq; rex retinebit:  
quippe qui superiores omnes prin-  
cipes & reges nostros nõ modico in-  
teruallo post se reliquisset. Nam que  
L. iij in fine

in singulis illis singula laudabilia fu-  
erunt, ea hic vnus omnia complexus  
est: Boleslai Chrobri, vt ab hoc po-  
tissimū ordiar, solertiam & magnifi-  
centiam: Cazimiri monachi pacis et  
instaurandę patrię, superiorū tempo-  
rum iniuria afflictę, studium: Wla-  
dislai eius filij mansuetudinem: Boles-  
lai Criuousti victorias: Crispi pro-  
videntiam: Micislai senis grauitatē:  
Cazimiri horum duorū fratris iusti-  
ciam, Lesci Albi excelsum animū: Bo-  
leslai pudici religionē ac temperanti-  
am: Lesci nigri moderationē animi:  
Wladislai Loctici fortitudinem et in-  
tolerandis aduersis patientiam: Cazi-  
miri magni, in ornando & muniens-  
do regno studiū atq; diligentiam: Ia-  
gellonis aui, si non in propagādo, cer-  
te in amplificando cultu diuino, pie-  
tatē, laborem, & munificentiā: Wla-  
dislai

dislai patruī magnanimitatem et cle-  
mentia: Cazimiri patris facilitatē &  
offensarū perbreuem memoriā: De-  
niq; Ioannis Alberti fratris ad res  
magnas gerēdas, quanq̃ meliore for-  
tuna, alacritatē. Has inquam omnes  
omniū illorum virtutes solus Sigis-  
mundus non modo æquauit, sed su-  
perauit etiam, ita vt nulla cuiusq̃  
eloquētia, nedum infantia nostra, sa-  
tis digne & pro meritis eum laudare  
possit. Sed iam ipsum ex augusto il-  
lo Mausoleo, in quo heri reconditus  
est, nos, quibus præfuit, alloquentem  
audiamus. Quam iuste, quanq; mode-  
rate, vobis viri Poloni (liceat enim  
mibi vos omnes, imperio coniūctos,  
vno nomie appellare) imperauerim,  
et quanta felicitate regnū hoc auxe-  
rim, ornauerim, & cumulauerim, vos  
ipsi probe nostis, aut si qui per atate  
intelli-

Intelligere & iudicare adhuc non potuistis, e maioribus natu, bonis et grauibus viris, discere potestis. Pro his meritis meis, iure meo illud a vobis postulo, vt si quid vnquam imprudens offendi, id vel humane imbecillitati vel aetati mee condonetis: quam vero mihi debetis gratiam, eam liberis meis dulcissimis, referatis, morte mea pupillis. Filiu hunc meum vnicu, quem ipsi vobis regem, mihi successore, me volente & postulante, iam pridem designastis, eodem quo me, aut maiore etiam, si potestis, studio prosequamini, consilijs adiuuetis, consentientibus animis atq; viribus protegatis, aetati eius nonnihil etiam indulgeatis. Ne audiat eos, qui dum suam rem agunt, vestra agere videri volunt, & tamen aliud alibi pre se ferunt, vtrinque vt gratiam ineant, & opes potentiamque suam augeant

am augeant & stabiliant. Cernitis qualia nunc sint tempora, quousque domi progressa sit multorum audacia, quanta huic regno & communi patrie pericula a barbaris impendant. Mature vobis providendum est, ne non modo imperium vestrum & respub. verum etiam libertas et vita vestra vestrorumque in extremum discrimen veniat. Id vero ita demum recte providebitis, si sublati omnino quorundam factionibus, dissidijs, & simultatibus mutuis, amore & officio erga vos inuicem, erga regem vero vestrum studio & benevolentia certabitis. Sic enim fiet, mihi credite, vt qui nunc formidolosi nonnullis videntur, formidabiles vicinis vestris hostibusque sitis. Ad te vero, fili charissime, haec mea est oratio. Illo autem habitu illoque vigore hertu Sigismunde Auguste patrem tecum

M loqui



eris, neq; de maioribus rebus absq;  
consilio senatus quicquam statues: cū  
iuuenibus vero & iuuenili ardore  
præditis consilia non temere cōmu-  
nicabis; si assentatoribus aures non  
accommodabis. Blandum enim est  
malum, sed pestilens in primis regnis  
atq; regibus, assentatio; si dissensiones  
ordinum, & similtates procerū inter  
ipsum auctoritate tua penitus extir-  
pabis: si deniq; pietatem atq; religi-  
onem sanctissimam sedulo & ex ani-  
mo coles, neq; ab institutis maiorū,  
et iam inde ab exoriente religione  
Christiana apud omnes gentes rece-  
pto, & ad nostra vsq; tempora trans-  
misso retētoq; cultu dei opt. maximi,  
venerandisq; ceremonijs atq; do-  
gmatibus te cuiusquam vel insidios-  
is blandicijs, assentationibus, & ille-  
cebris auocari, vel importunitate a-  
uelli su-

uelli sustinebis. Harum rerum om-  
nium exempla domestica habes, sa-  
tis, nisi fallor, illustria. Non ignoras  
fili, quo successu, qua felicitate, quan-  
taq; gloria nos tam diu regnaui-  
mus. Id nos totum Deo opt. max. quem  
sedulo riteq; coluimus, acceptum re-  
ferimus. Existimare autem debes,  
neq; regnum, neq; quicq; omnino san-  
ctum & inuiolabile esse posse, vbi  
religio labefactatur. His tibi vix fili  
suauissime ad laudem, ad beneuolen-  
tiam hominum, ad salutem tranquil-  
litatemq; ditionum tuarum, deniq;  
ad decus et immortalitatem grassan-  
dum est. Hac certus est, et exploratus  
pijs principibus ad cælum aditus:  
Hæc tecum Sigismunde Auguste pa-  
ter: Illa rex vester vobiscum viri  
Poloni. Reliquum est, vtriq; vt san-  
ctissimis et saluberrimis monitis eius  
M iij obtem-

tioc: q: no mām neformā subalēre Cædā ad etia inuēstābid. vide re.

obtemperetis, eiusque præclara erga  
vos merita, assidua pietate & grata  
memoria semper prosequamini: om-  
nesque pariter eum, uti debemus, vi-  
uorum & mortuorum Deo, apud  
quem nemo satis iustus et insons est,  
assiduus precibus commendemus.  
Vicissim ille in cælis, uti speramus,  
pro nobis orabit: & quorum saluti  
et incolumitati omni ratione, quoad  
vixit, consuluit, ijs ne nunc quidem,  
omni iam rerum terrenarum cura &  
modestia solutus, studium suum  
in placando Deo optimo  
maximo deesse pa-  
tietur.

Cracouię apud Viduam Hiero. vietę

tiē: qz nō mām nec forina subalēzē. **C**od. 8. ad chon. **I**nd. **R**ahriel. sidezē.

noē qz nō mām nec formā subalē zē Quid ā ad rōa ihuā fābriū vide zē

Signum d. I.  
M. C. C. C. C.  
C. C. C. C. C.



